


B. N. C.  
FIRENZE

1033

19







Page.

XXXVII

BOTT.



PVRPVRATORVM  
PRINCIPVM

IDAEA

suè

IN FVNERE

EMINENTISSIMI PRINCIPIS

MARCI ANTONII  
FRANCIOTTI

S. R. E. CARDINALIS

ORATIO

Habita in Templo Nationis Lucensis  
Dùm illi Patria communi nomine parentaret

A IOANNE BAPTISTA BOTTINIO

Patritio Lucensi.



ROMÆ, Typis Ignatij de Lazaris. M.DC. LXVI.

SVPERIORVM PERMISSV.



PARVARIATUM  
A PRINCIPALI  
REACTIO

...  
...  
...

MAIORI PARTI  
EASDEM  
SILICATUM

OTI

...  
...  
...

...

...



# III.

*Illustrissimo, & Reuerendissimo Domino*

**AVGVSTINO  
FRANCIOTTO**

**ARCHIEPISCOPO TRAPEZVNTIO  
ET PICENI GVBERNATORI**

**IOANNES BAPTISTA BOTTINIUS FOEL.**



**I** argumenti præ-  
stantiæ respondens  
**O**ratoris facundia  
soluere debuisset commen-

# IV.

dationis veltigal eximijs præ-  
 rogatiuis Eminentissimi Pa-  
 trui tui, Præsul Illustrissime,  
 euocanda fuissent è tumultis  
 prisca illa eloquentiæ prodi-  
 gia, quorum vocibus echo  
 immortalis assultat posthu-  
 ma fama cum cadente solum  
 natura rerum interitura. Sed  
 quoniàm Diuinæ Marci An-  
 tonij Cardinalis dotes vtcum-  
 que deterantur ingenij cul-  
 pa, & nullis artis phaleris  
 exornatæ historica solum fide  
 recenseantur, admirationem

# V.

tamen omnium laceſſunt, gauiſus mirificè ſum, quod ad hoc perhonorificum munus noſtra inuitaretur infantia, in quo obeundo ob immenſam rerum vim nulli eſſe licet indiſerto: & ex morbo diuturno moleſtoque eluctatus, ſcriptionem aggreſſus illicò ſum, inſtaurari vires expertus à labore gratiſſimo. Cæterum meæ præcipuè partes erant, hoc ſterili ſerto laudum redimire imaginem Cæleſtis Principis noſtri, qui me

## V I.

am gentem innumeris sibi beneficijs obstrinxit, ac me præfertim, eo quod eodem censear nomine cum Ioanne Baptista patruo meo, qui vices obeundo præstantissimi Cardinalis in administranda Ecclesia illi desponsa, fato concessit. Quocircà hoc illi quaecumque rependimus obsequentissimi amoris, ac deuotissimi obsequij monumentum, qui nos Auspicijs humanissimis perpetuò fouit, & amore munifico. Ad te  
por-

## V II.

porrò, Illustrissime Præsul, sua  
 veluti sponte conuolat Ora-  
 tio nostra, in quo superstes  
 viuit in hac aulæ luce Car-  
 dinalis egregius, quem non  
 virtutibus minus, quàm san-  
 guine repræsentas, Sapientia  
 præcipuè, & omnigena lite-  
 ratura, Vigore mentis, gran-  
 di Consilio, Animo excelso,  
 vitæ Integritate, ac præclaris  
 in Rempublicam meritis: Id-  
 circò amoris hæredem te, ac  
 cultus aspicimus, quo illum  
 Principem Roma est profe-

# VIII.

quata . Vale, & ad consuetos  
tuæ genti honores tuis istis  
Virtutum, & Sapientiæ gradi-  
bus incede.

# IX.



vrpurati Principis partes impleres  
 & dignum esse Cardinem, cui tē-  
 plum augustissimum Diuinitatis  
 in terris Ecclesia Christi nitatur,  
 est singularis, & diuinæ planè vir-  
 tutis Eminentissimi Principes; ità vt satis amplo  
 sit exornaturus elogio quemlibet è vestro Regali  
 Collegio præstantem virum orator, si splendi-  
 dissimo muneri respondentem heroicarum lau-  
 dum multitudinem & splendorem in illo re-  
 præsentauerit. Quid si eundem fuisse conten-  
 dat absolutissimum purpuratæ virtutis exem-  
 plar? Hoc ego in Eminentissimo Principe  
 Marco Antonio Cardinali Franciotto intueor  
 in præsentia, cuius amplissimum commenda-  
 tionis in cāmpum ingressurus, vt certis quibus-  
 dam finibus circumscribam orationem meam,  
 ex innumeris dotibus eas tantum s. ligam, quæ  
 sacri Principis Idæam numeris omnibus abso-  
 lutam efficiunt, Sapientiam scilicet singularem,  
 tenax Iustitiæ propositum, effusam in omnes  
 Charitatem, & studium Religionis eximium.  
 Nequè ingenij mei imbecillitate tam grande  
 argumentum, sed duorum sapientissimorum  
 Pontificum nititur authoritate. Quorum alter,

ut Marcum Antonium Franciottum imitatione exprimendum sibi statuerent, recens initiatos Præsules admonebat. Alter cum è cætu uiuentium ereptum audisset, intimo animi sensu conquestus est, Vaticani Regiam amisisse præclarum sanctitatis eminentissimæ Senatorem. Antequàm verò fulgentem in meridie solem, & purpura exornatas virtutes admiratione potius quàm laudibus prosequamur, placet ne huiusce lucis Auroram fugienti oculo delibare, quæque viam ad ostrum adornant prærogatiuas cursim suspicere, quæ si non elaborant ideam sacrorum Principum, præquiruntur tamen in illo, qui Ecclesiæ Patribus exhibiturus est formam prodigiosæ virtutis. Quamuis Concilio Regum inferat purpura, & præclarissimam afferat lucem imaginibus Proavorum vtrumque iacentium, si tamen inter gentilitia decora virtus adoleuerit Romano munice ornata, fulgor illi congematur, qui nobili statuat in lumine ideam sacrorum arbitris proponendam. Sed iniuriam vobis irrogarem. Cælestes Marci Antonii dotes, si præscriptos vestris laudibus terminos orationis Auorum mentis consecrarem: si alias purpuras, si quæ sita



sita à Sixto IV., dum regnaret, fratris sui filix  
cum Ioanne Francisco Franciotto connubia;  
si vocatum in partem curarum, & imperii à  
Julio II. Galeottum S. R. E. Procancellarium,  
si cum Vrsinis, Columnensibus, Roboreis Vt-  
bini Ducibus, ac Ioanne Mediceo, qui eue-  
ctus ad imperium Leonis X. nomine optimè  
meruit de Christiana Republica, contractas af-  
finitates: si armorum, ac literarum præstantia,  
quin etiam sanctitatis laude celeberrimos hu-  
iusce generis viros enumerarem. <sup>carv dup dup</sup>  
Obruit Auita sydera fulgor Solis, cuius ima-  
go non posteros tantum nobilissimæ stirpis, sed  
sacros Principes animabit ad laudes: qui pater-  
nam domum, non opulentis Ecclesiæ prouen-  
tibus, sed ditissimis virtutum, ac famæ censu  
locupletauit. Nobilem ille à sua gente, sydeream  
è Cælo indolem hausit, qua primis etiam co-  
lorum ductibus, & candido lucis flore in pueri-  
tia exornauit imaginem Diuinitatis, vt illum  
deçet, qui veluti morum norma Cælicas dela-  
psa Purpuratis Patribus vita sua præscribere  
debeat exempla viuendi. Quandoquidem sicut  
ex hoc ordine euehuntur ad Vicariam Numinis  
potestatem, sic ex innumeris mortalibus dignif-

## XII.

simi qui feligantur ad hoc Regale Collegium, illi sunt, qui priuatam sortem summis virtutis propriæ laudibus amplificauerint.

Candor præcipuè, & morum integritas commendet illustrandos purpura, quam Cælestis Agnus sanguine candidissimo colorauit. Suscepit in puero diuinam hanc dotem Patria, suscepit Patria doctrinarum Bononia senilem, in iuvene virtutis constantiam, ad eò supra reliquos eminentem, vt Maphæus Barberinus, qui tunc illam Vrbem Pontificis à latere Legatus, deindè foelicissimè temperauit Orbem terrarum, in illo adamauerit dotes, quas ipsemet proponeret admirationi populorum, ac huiusce iuuenis operosa authoritate difficillimas sedatu diffensiones in illo Archigymnasio inter artium, Auditores exortas facili negotio composuerit. Verùm qui discordes sociorum animos mutuæ pacis vinculo conciliaſti en, vt nonnullos ex ipsis hostes infestissimos experiris pudicitie tuæ bellum eò sauius quò blandius inferentes? Immittitur in castissimi Iuuenis conclaue auernalis furia sulphurea libidinis face intemerati pudoris arcem impetitura: & blanditiis, precibus, forma, omnibus denique artibus, quibus in-

pa-

# XIII.

palæstra iniquitatis apprimè fuerat erūdita, templum animatum Diuini Spiritus oppugnatura. Quid in hoc rerum articulo deprehensus ageret, quid consilii sumeret in hac fluctuantis animi tempestate, quodnam effugium meditetur ex his difficultatum ambagibus? sodalium ne, amicorumque opem imploraret? Quorum videlicet opera præsens in ipsius perniciem, procella insurrexerat. Vicit inuictus constantissimi iuuenis pudor impudentissimæ furæ peruiaciam, & colapho in faciem blandientis impacto rubere coegit ictus vehementia proteruum illum vultum, quem aduersus verecundiæ ruborem sua lasciuia obfirmauerat, & post cæsum fortiter hostem, fugâ victoriam consummauit: Præfulem sanctissimum Franciscum Salesium, quem aliis quoque virtutibus expressit, simili castimonie triumpho consecutus.

Si has palmas metit non dùm adulta virtute, si laurus istæ triumphales circa iuuenis crines serpere gestiunt, quis admirabitur, nullo vnquam pondere mortalitatis allisum ad humum, nullo tartarei fulminis halitu maligno afflatum fuisse, ac pulcherimum florem virginæ pudoris ad vltimam ætatem vernantem

## XIV.

protulisse hortis cælestibus inferendum? Ad-  
 mirationem certè prouocat sollicitudo singu-  
 laris, qua nec expertæ fidens integritati, nec  
 partis in lubrica ætate victorijs, grandis ætate  
 Vir, & Purpuratus abhorrebat cum dispari  
 sexu miscere sermonem, nisi alijs coram ad-  
 stantibus, & affixis terræ, ideoque Cælo spe-  
 ctatore dignis luminibus: qua suo florem hunc  
 educto frequentissimè flagellis sanguine irri-  
 gavit, qua illum spinis præcinxit austeritatis  
 asperrimæ, non Principibus tantum, sed vi-  
 ris etiàm intrà Religiosâ Claustra degentibus  
 prodigiosæ.

Prolusit modestiæ purpura Romani fulgoris  
 ostro Regali, quod maiorem ab illo accepit,  
 quàm contulit lucem, postquam egregiè per-  
 functus est munere Præfulis in regendis Vrbi-  
 bus: in alenda, quin & delicijs reficienda Vr-  
 bium Regina, cum Annonæ Præfectus se-  
 dulitate mira, & grandi consilio magis profuit  
 Romæ, quàm fecundis aquis Nilus Ægypto:  
 & librandis lancibus Æquitratis, cum Aposto-  
 licæ Camera Auditor præbuit argumenta con-  
 stantissimæ virtutis, namque indulgebat se se  
 quotidie altercationibus disidentium à meri-  
 die

# XV.

die adusque solis occasum, stans, & aperto capite illas excipiens, eximia & ferè inaudita charitate opera subeundo nobilissimi Magistratus, quem ex insita moderatione animi demissioneque, mereri quàm ambire maluerat. Quamvis enim inter Apostolicæ Cameræ Clericos virtutibus emereret, ac complures ex amicis ipsum vrgerent, vt leuibus quibusdam officijs prouocaret munus illud amplissimum: sublimis animi vir constantissimè reuuit. Ac indubius hinc est gradus ad purpuram, amici suggerebant. Et hoc præcipuè nomine, inquit ille, laceßere non audeo splendidissimam dignitatem, quòd purpuram parit. Instabant rursus, vt saltem apud amantissimum sui Pontificem profiteretur, gratum tam grande sibi beneficium fore. Hoc etiam præstare abnuuit, vt animum excelsissimo magistratu excelsiorem approbaret.

Age verò vt libet Franciotte: constantissimæ modestiæ nubibus meridiana luce nitidioribus Cælestes animi prærogatiuas inuolue, & Christiana demissione cuiuslibet apicem dignitatis exarquante ad emeritos honorem gradus aditum interclude. Virtutis fulgor eximie quam-

# XVI

uis velamine obductus ipse se prodit, & splendidiſſima inuitat munera, vt illis lectiſſimarum amplitudine doſium decus & ornamentum afferat ſingulare. Quamobrem Urbanus VIII. æquiſſimus meritorum librator, quique virtutum pretia ex ipſarum poſſeſſione nouerat, nobiliſſimorum congerie munerum, ac geminata dignitatum luce illustrauit Franciotti præclariffimas dotes, quæ ad ſanctiſſimi Principis mores, hoc eſt abſolutiſſimum exemplar viuendi compoſitæ ſub Barberini ſolis faultiſſimis radijs adoleuerant. Ipſum enim iam dudum virtute purpuratum, ſua, Vaticana purpura ornauit, ac ad Lucenſem Eccleſiam, cui primo inuentutis in Vere integerrima vitæ ratione leges exemplo imponere viſus eſt, ſanctitate & ſapientia, ac poſtmodum ad Flaminiam nobiliſſimâ ditionis Eccleſiaſticæ partem æquiſſimo imperio temperandam euexit. Hæc ille ampliffima munera non minori exercuit virtutis conſtantia, quàm prodigioſæ modeſtiæ pertinacia venari officijs fuerat dedignatus. Suum proſectò Franciottus eſſe voluerat ex merito accipere præſtantiſſimos honores, non quærere.

Fuit

## XVII.

Fuit illius animus summi capax imperij ; sed summum imperium quibus vnquam studijs ; qua significatione animi , verbo quo , aut nutu quæsiuit ? Num certior factus de prona in se Principis magni voluntate adigi vnquam potuit , vt apud eiusdem Administrum profiteretur , grata sibi accidisse argumenta illa honoris & benevolentia ? Captum fulgore tergeminum diadematis visum iri se , dicens , & animum peruolitantes curas Regales ab illa grati animi testificatione proferendas in medium ; quæ tamen se se nullatenus vellicarent . Nimirum quantum à profusa in se liberalitate diuina suam demissionem euectam : altius votis eniti , neque suum esse , nec meritorum suorum . Enim verò qui ex purpurato Patrum ordine mereatur Vicariam Numinis potestatem , nec ab illa luce fascinetur ; hunc esse statuo Purpuratorum Idæam , maximo , quo decoratur ; honori , meritis animoque præstantem .

Iam verò Franciotti virtutum decora in purpura , bono scilicet lumine collocata , mirabilem sui pompam explicantes intueamur . Atque vt de Sapientia dicere aggrediar , singularis illa in Marco Antonio fuit , & Christianæ Reipubli-



## XVIII.

ea summopere salutaris. Hanc natura firma-  
 uit ingenij iudicijque præstantia, laboriosis-  
 simum studium ad septem quotidie horas, etiam  
 in vltima, & morbis implicita senectute pro-  
 ductum excoluit, perfecit egregia sanctitas mo-  
 rum, cuius à fulgore maxima lux in animum  
 deriuatur. Decem sacris catibus, ac multis  
 præterea præter ordinem Præsulum & Purpu-  
 ratorum conuentibus, illius sapientia exerce-  
 batur, ac tanta eius sententiæ plausu excipie-  
 bantur, vt plures veluti pedibus in ipsas irent:  
 Quid quod Sapientissimus Pontifex Innocen-  
 tius, dum de varijs placitis admonebatur, se-  
 dulò quærere consuevit, quid ea in re sensisset  
 Franciottus, maximum in illius authoritate  
 pondus esse abitrarius, in cuius suffragijs san-  
 ctitas pariter & operosum studium emineret:  
 non aliam in illius animo sollicitudinem, ve-  
 ramque politicam deprehendi asserens, quàm  
 Christianæ Reipublicæ commodo consulen-  
 tem. Qui priuato nihil bono prospiciat, qui  
 curas omnes in publicam conferat vtilitatem,  
 hunc verum cardinem fidei, hunc exemplar  
 esse Principum, hunc animo magno, magna-  
 què præstare sanctimonia, ideoque magnum  
 esse



## XIX.

esse inter Purpuratos Patres ; quia magna sanctitate præstantem ; quis inficiabitur ?

En autem sua veluti sponte in exornandam tanti viri iustitiam deuenit oratio. Illi laboriosissima studia , perpetuas curas , amorem consecrauit , & vitam ; adedò captus pulcherrima specie iuris & æqui , vt ausus nunquam sit homines , sed Æquitatem solummodo controuersiarum Arbitris commendare , neque spe Clientium lactare , neque pecunia mulctatis reis veniam indulgere , neque frumenti efferendi facultatem impertiri præstantibus viris , & quorum ipse officijs summopere indigebat , neque pronum vnquam exhibere in partem aliquam animum suum , quin alterius ante causam cognouisset. Nego quempiam fuisse , qui non facillimos ad illum inueniret aditus , quique in illo studium animaduertit se subtrahendi nouis laboribus , licet antea innumeris premeretur , quin potius non suspexerit eorundem incredibilem tolerantiam , subductas quieti noctis horas , stare iussum , dum per Vrbes Legatus incederet , currum , ad supplices pauperum Libellos excipiendos , deuoratas æquisimo animo sollicitudines in causis

di-

dignoscendis, ad quas in sacris congressibus  
 proponendas sequissimè conspirantibus dissi-  
 dentium votis destinabatur. Nego ulli vn-  
 quam sacro cæui defuisse, quinimò nihil ab illo  
 solido de die ademptum ministerio æquitatis,  
 cui tempus omne deuouebat, quod in exoran-  
 do Numine non impendisset; adeoque vitam,  
 illius omnem perpetuo iustitiæ famulatui de-  
 cretam, & ab eodem inuitatam assero mortem,  
 quam propterea martyrium penè dixerint, quo  
 hæc illum virtus coronauit. Profectò enim  
 post fractas diuturnis laboribus vires fatum  
 prouocauit frequentia sacrorum congressuum,  
 quorum se nulli exemit, licet ægritudine con-  
 tabescens & vltima senectute, ac postremis vi-  
 tæ diebus interfuit illorum pluribus; attonitâ  
 ad hæc Româ, veluti sæpius ante suspexerat  
 in illo instaurata prodigia, quæ Nazianzenus  
 Gregorius narrat Cæsareæ plausibus excepta  
 fuisse, quando suus genitor sanctissimus Præ-  
 sul Non dubitauit aggredi iter, ut calculo  
 suo inuaret electionem Episcopi, ac vehiculo  
 impositus, non secus ac feretro, iuuenis redijt,  
 firmus, ac valens. Perindè Roma diu multum-  
 què Franciottum vidit reparantem laboribus

vires , & facris nutritum negociis , ad quæ progressus affecta valetudine domum redibat incolumis . Diuinitatem quantum homini licet eniti amulatus , cuius æternum consilium non defatigant curæ mortalium moderatrices . Sed quod procurandæ iustitiæ studium diu illi vitam produxit nouis sollicitudinibus exercendam , idem ipsi tandem triumphale cœlestes ad palmas iter explicuit .

Haftenus in commune consulentem sapientiâ & iustitiâ commodis Reipublicæ , ac miscentium Lites , hoc est virorum plerumque nobilium contemplati sumus præstantissimum Cardinalem . Nunc priuato charitatis amplexu stringentem singulos , etiam abiectissimos mortalium intueamur . Nullam ab amore suo fortunam hominum prohibuit beneficentissimus Princeps . Quoniam flagraret amore salutis animorum dicat Ecclesia illi desponsa , quam diligentissimè perlustrauit , non à viarum angustis , non ab asperitate laborum , non ab itinerum incommodis retardatus , & ad oppida illa , quæ propiùs nubibus inaccessi montes ad mouebant , & quò equi eniti non poterant , pedibus ipse suis progressus , ne manibus dicam,

cam, prorepens. Quodnam ab illius sollicitu-  
dine fugientis terræ litus distantia locorum  
subduxit, cum protendens ad Orientem usque  
magnanimas curas, apud barbaros populos fi-  
dei Præcones suis opibus aleret, ac Præfules  
ferè omnes illarum gentium inauguraret, nec  
sue liberalitatis expertes abire pateretur, sacro-  
rum Principum munificentiam, exterarumque  
exempla virtutum perpetuis laudibus prosecu-  
turos. Quantum illius in omne genus homi-  
num charitas præcucurrit inopes dicant, quibus  
suprà triginta aureorum millia, ut post eius  
obitum testati sunt consocii ministri Religiosi  
viri iurati silentii sacramento liberati, quos ipse  
ad pauperum egestatem subleuandam pecunia  
obarmabat, quam sibi subtrahere sedulo stu-  
duit, neque enim in mensam instruendam op-  
paris dapibus, nec in domum exornandam,  
pretiosa suppellectili, nec in paternæ domus cen-  
sus amplificandos traducebat sacros redditus,  
quos ex Summorum Pontificum munifica lar-  
gitate satis affluenter acceperat, ex quibus aurei  
tantum sex & viginti reliqui eidem erant dum  
fato concessit. Dicant diuino cultui consecrati,  
quorum plurimi à nemine maioribus se bene-

## XXII.

ficijs deunctos profitentur. Dicant vel infimæ  
sortis domestici administri, quos benignitate,  
mira, & quasi paterno amore fouebat, ad ami-  
corum fermè conditionem euectos, quique  
ferè omnes in eius famulatu consenuerunt,  
consueti, & sepe geminato stipendio, quin &  
delicijs omnibus, dum morbo decumberent,  
illius in domo resecti, nisi eos sortè parta sce-  
leribus famosa tabes inuasisset, tunc enim fa-  
cile à se abire permisit hostes diuinitatis; niuis  
ceteroqui erga illos adeò, vt prouerbio per  
hominum ora Cardinalis Franciotti mansuetu-  
do circumferretur, qua ad suas non semel oc-  
clusas fores hæsit diu multumque præstolatus  
seruos, quorum ignauia ab ingressu prohibe-  
batur, quosque risu benigno, & obiurgatione  
nulla excipiebat.

Intermissa nunquam sollicitudo, qua com-  
modis aliorum, & præcipuè indigentium con-  
sulebat, omnem Marco Antonio innocuæ vo-  
luptatis usum, quin etiam necessariam à labo-  
ribus quietem interdixit, adeout, ne suburba-  
nas quidem Tusculi delicias vnquam inuiseret,  
ac nullam sibi diem seponeret, omnes eximia  
charitate impendens in commoda Reipublicæ.

pe-

## XXIV.

perinde ac si non præmium laborum purpuram accepisset, sed publico esset famulatui mancipatus; hoc præcipue nomine verus fidei cardo, cui pondus immensum curarum incumberet. Aded autem misertus est ceterorum, ut miser ipse propemodum esse vellet, ac pauper, quò in pauperes partiretur prouentus Ecclesiæ: nullum quippe est Principe Purpurato, immortalitatemque merito impendii genus dignius, quam quòd in erigendam subleuandamque inopum egestatem erogatur.

Ultanè verò, inquit aliquis, purpuratis virtutibus non contentus, petitas à Religiosis Domibus Christianas reliquas dotes in aulam inuexit? Reprehendam orationem meam, si non frugali, ac fermè vulgari dape mensam instrui imperabat, si non constantissimè reuit Villam conducere, cuius tamen solitudine mirificè capiebatur, ne destinatas indigentibus opes attereret, quarum se tantummodò diribitorem agnouerat. An non Euangelicæ perfectionis culmen adeptus dicendus est Princeps, qui admiranda Religiosis etiam viris arduarum præbet exempla virtutum, & aulae luce donat, quas in nemoribus, & Claustris venamur? Neque breui

## XXV.

fuī cordis hospitio illas dignatur, quandoquidē æquabilitate morum perpetua mirabilis fuit, & cum illo adultæ, cum illo pariter cælestes animi prærogatiuæ consenuere.

Nūm autem qui mitissimo ingenio mortalibus omnibus præbuit argumenta singularis amoris, vlla inordinata significatione voluntatis prosecutus est domesticum sanguinem, aut beneuolus in omnes animus interimere potuit odium, quod in se ipsum exeruit? Nihil unquam è sacris redditibus in paternam intulit domum: imò nec in Præstantissimi viri, & sibi sanguine, & virtutibus coniunctissimi nomen transferre voluit ante obitum Ecclesiæ prouentus, licet optimè de se, deque sacra Republica meriti.

Porro qui mortales omnes paterno amore complexus, nimium tamē suis blandiri non est ausus, ut in se ipsum inimicitias exercuit immortales: inseruit cordi sanctissimi viri odiorum semina in semetipsum animi demissio singularis, suiquè contemptus egregius. Verborum ergò solum avarus, libratorque mirabilis, num excidere sibi quidquam ex ore permisit, quod sui commendationem suboleret? An  
non.

# XIXVI.

non modestissimos oculos terræ affigens, dum alios, non modo Principes viros, sed & abie-  
ctæ sortis homines alloqueretur, venerari in  
omnibus virtutis præstantiam videbatur? quæ  
munera pauperibus erogabat quo studio  
premere consuevit? Neque desunt qui pre-  
cibus illius diuinitus indultum credant, vt  
qui per annos supra triginta eius confessiones  
exceperat paucis ante illum diebus fato subla-  
tus aperire non posset cælestes sanctissimi Pre-  
sulis dotes: quod pariter Sancti Ignatii Loyolæ  
votum fuisse reperio literis consignatum. Cum  
ergo nihil in se, quod amorem promereretur,  
animaduerneret, odio in se se perpetuo demere-  
ri statuit amorem Diuinitatis. Vidimus edu-  
cto flagellis cruore suæ liliū integritatis lactātem.  
Quæ vulnera factū de mortui corpus ornabant,  
quibus vrgebat se ipsum, catenæ, & cylicina ve-  
stitis, hostilem in se se Marci Antonij animum, &  
nullum sui, veluti vulgaris animæ studium,  
habicum aperuere. Famulares sibi, dū in stra-  
tis surgeret, manus à suis adhiberi, dormire  
quemquam propè suum cubiculum vetuit, non  
sine vitæ discrimine, ne ad aliorum aures  
accideret: infligatorum sibi plagarum strepitus  
late



## XXVII.

latè sonorus. Quamùm illi dapes gratum saporem elaborarent, quæ insuaves accidissent domesticis nunquàm innotuit: quin potius illos perpetua cœpit admiratio, quod tenuissimo, ac parabili cibo vix protrahere vitam posset, quinta solum vini parte temperaret aquæ rigorem, ac nunquam per admodum illi nives æstiuis delicijs indulgeret, & pane solum, & aqua vires reficeret quotiescunque recurrerent profesti magnæ Virginis dies.

Sed pluris facient æqui iudices sanctitatis exceptas animo exultanti molestissimas aggritudines, & libentissimè tolerata cælitus demissa, quàm spontè inuitata tormenta. Nullam fatiscentis animi notam in eius vultu deprehensam, licet per annos plurimos morbis fuerit imperitus: ac dissimulatum prodigiosa constantia calculi dolorem, quo sæuissimo quotidie torquebatur; quatuordecim enim iidemque non vulgaris magnitudinis Lydij lapides herocæ tolerantia mirificè illum vexabant, dum consueta subibat onera mortalitatis; ac dum lacrymas ab illo sæuitia doloris exprimeret, florere in ore risum cogebat vigor generosissimæ voluntatis. Quidhic ego magis admirer A A?

In-

## XXVIII.

Incredibilem ne perferendi constantiam? An potius inauditam animi demissionem, qua dolorem occultaret, ne admirationi esset acerbissimi victoria cruciatus?

Sui osor acerrimus veras tamen delicias sibi non invidit sapientissimus vir, quin potius illas venatus est eximio studio Religionis, ijsque se diuino beneficio colliquescere candidè aliquando professus est amicissimo viro: & profectò præcociem illi indultam vsuram beatitatis est arbitratus quicumque perpetuò eius in ore vernantem innocui risus florem aspexit.

Doleo in eas temporis angustias compulsam orationem, vt vela contrahere debeat, dùm argumenti præstantia triumpharet. De Religione, qua Deum coluit sanctissimus Præsul, quodquè erat in partitione quartum, dicere prohibemur iniuria temporis præteruolantis. Quamobrem consultò prætereo duas quotidie horas ab illo statutas contemplationi rerum diuinarum, subductum idè tempus necessariæ quieti, & educta saltem lodicibus membra, cum æs campanum, cuius admonitu suas horas moderabatur, religiosos viros ad orandum inuitabat: diuinas horas tanto studio pietatis Deo

per-

## XXIX.

perfolutas, vt decretis ſemper ab Eccleſia temporibus illas percurreret, niſi quando, vt aures præberet diſſidentibus illum. Juſtiæ Religio commodabat: Cæterum animo uſque adeo à rebus mortalibus auocato exhibebat illud veſtigal diuino Numini, vt admonitus inter orandum de admoto ſuis ædibus igne: Irent porro, & aqua compeſcerent illius furorem, dixerit pacatiſſimè, ſequè ſinerent frui cæleſtis Regis alloquijs: Prætermitto oblatam quotidie Patri diuino ſalutis hoſtiam, mirabili ſignificatione, cæleſtis amoris, etiam die, qui eidem ante ſupremum illuxit, licet viribus deſtitutus eſſet, ac ferè animam agens, gauiſus quod exhibere, poſſet aliquod morientis Numinis ſimulacrum, & ſimul ſacerdotis & holocauſti munus ſubire. Dicere ſuperſedeo cultum eximium, quo Deiparam eſt proſecutus, titulum Templi eidem dicati alijs præhabens ſplendidioribus; ſollicitudinem in frequentando Pontificio ſacello, cui ferè ſemper aderat omnium primus, & ſacris diuinis abſtabat religioſiſſimè, Cælum, vultu ſpirans, ac Sydera: tantam demùm in exhibendo ſuperis cultu alacritatem, vt ad aliorum vices in ſacris muneribus, quoties cum-

# XXX.

cumquē opus esset, obeundas, obtulerit se paratissimum Apostolici Sacelli Præfectori; Nec alijs delicijs fractas laboriosissimo studio vires recrearet, quàm Æquilinum Deciparæ, vel Vaticanum Principis Apostolorum, aliaque Urbis Tempia, & Cæli Colonias inuisens: quod præstitit quotidie quandò pestis per Urbem grassata cessationem à negotijs imperavit.

Quod si domestici sanctè asseuerant, nihil vnquam vidisse se ab illo peractum causa captandæ innocuæ voluptatis, si Iustitia, & Religio, duo veluti Poli eius perpetuò vitam circumegerunt, si omnibus, quæ post cognitâ causas illi supererant, horis incolēbat animo Cælum, mirabimur, nullam ab eodem habitam sollicitudinem vitæ, & mortem, quam prænouisse visus est, laboribus prouocatam, risuque blanditum illis, qui dicerent, decretoriam esse, quæ decumberet, ægritudinem.

Excepta mors animo exultanti, florens in pulcherrimo demortui ore fulgor integritatis, didita per Urbem, Europamque omnem fama sanctitatis, sanctissimo etiam in terris oraculo comprobata, eximiam ipsius virtutem posteris commendarunt. Fleuere pauperes ademptum sibi

# XXXI.

sibi parentem, Fleuerunt Religiosi viri Patro-  
num optimum, singulare ornamentum nobi-  
lis Patria, Æquissimum Arbitrum dissidentes,  
Idæam sacrorum Principum Regale Colle-  
gium Purpuratorum. Sed ab adempto nobis  
thesauro expressas doloris lacrymas alius tem-  
peravit fletus, argumentum animi ob illius fœ-  
licitatem triumphantis. Exultat enim Patria,  
ob gloriam nobilissimi Cuius, ac dum illi  
precum & obsequij iusta persoluit in Templo  
eiusdem Auspicijs olim illustri, ignorat an  
illius potius hoc laudum tributo famam ampli-  
ficare, eundemque sacrificijs expiatum ad  
Cœlum euehere, an ab ipso iam recepto in  
Concilium Diuorum sperare possit Cœlestia  
munera: Exultant innumeri, quos ille benefr-  
cijs affecit, dum hæredem vitæ famam relictam  
vident à Principe, qui sua omnia, seque ipsam  
aliorum commodo impendit: Exultant præ-  
cipuè Regales eiusdem Collegæ, qui omnibus  
Cœlestis, humanæque gloriæ luminibus exor-  
natam vident Idæam amplissimi muneris sui.  
Hanc exhibitam Romæ à Marco Antonio Car-  
dinali Franciotto Sapiencia, Iustitiæ studio,  
Charitate, cultuque Religionis, ambigit nemo.  
Cum

# XXXII.

Cū n'enim Purpuratorum Præfulum vita, vel in exorando Numine; vel in consulendo commodis Reipublicæ, quando vocantur in partem curarum à Vicario Diuinitatis, vel in temperando sortes mortalium in sacris Conuentibus, vel in benemerendo priuatim de genere humano, erogando creditas fidei suæ opes animi atque fortunæ, tota versari debeat, nullus est qui non videat, numeros omnes purpuratæ virtutis expleſſe Cardinalem Franciottum, qui Religione Deum; Sapientia Principes, totamque Rempublicam, iustitia commendatas sibi fortunas dissidentium, Charitate singulos etiam abiectæ sortis mortales, & omne demum genus hominum fuit amplexus.

## DIXI.

*Imprimatur,*

Si videbitur Reuerendiss. P. Mag: Sac. Palatij  
Apost.

O. Archiep. Patracen. Viceſg.

*Imprimatur,*

Fr. Hyacinthus Libellus Sac. Palatij Apost. Magist.

Z 1033.18







XXV





